



ქალაქ ფოთის მუნიციპალიტეტის საკრებულო



განკარგულება № 1/5

2023წლის 30 იანვარი

ქალაქი ფოთი

ქალაქ ფოთის მუნიციპალიტეტის საკრებულოს 2019 წლის 2 დეკემბრის №27/28 დადგენილებაში „ქალაქ ფოთის მუნიციპალიტეტის ქალაქმშენებლობითი დოკუმენტაციის - გენერალური გეგმისა და განაშენიანების გეგმის დამტკიცების თაობაზე“ ცვლილების განხორციელების მიზნით ადმინისტრაციული წარმოების დაწყების შესახებ

2022 წლის 28 დეკემბერს ქალაქ ფოთის მუნიციპალიტეტის მერს წერილობით მომართა ს/ს „ვისოლ პეტროლიუმ ჯორჯიას“ გენერალურმა დირექტორმა ვასილ ხორავამ და მრავალფუნქციური სავაჭრო ობიექტისა და მისთვის საჭირო ინფრასტრუქტურის მოწყობის მიზნით ითხოვა ქალაქი ფოთი, რეკვავას ქუჩა №9-ში, ს/ს „ვისოლ პეტროლიუმ ჯორჯიას“ კუთვნილი მიწის ნაკვეთისთვის (ს/კ 04.01.10.077) შესაბამისი ფუნქციური ზონის მინიჭება. აღნიშნული მიწის ნაკვეთი, მუნიციპალიტეტის მიწათსარგებლობის გენერალური გეგმის შესაბამისად წარმოადგენს სატრანსპორტო ინფრასტრუქტურისათვის განკუთვნილ ტერიტორიას, ხოლო ს/ს „ვისოლ პეტროლიუმ ჯორჯიას“ მიერ ზემოაღნიშნული პროექტის განხორციელების მიზნით მოთხოვნილია მოცემულ მიწის ნაკვეთს მიენიჭოს ცენტრის ზონა (შზ-2) სტატუსი.

საქართველოს სივრცის დაგეგმარების, არქიტექტურული და სამშენებლო საქმიანობის კოდექსის 42-ე მუხლისა და საქართველოს მთავრობის 2019 წლის 3 ივნისის, №260 დადგენილებით დამტკიცებული „სივრცის დაგეგმარებისა და ქალაქმშენებლობითი გეგმების შემუშავების წესის“ მე-16 და მე-20 მუხლების, საქართველოს ზოგადი ადმინისტრაციული კოდექსის 76-ე მუხლის შესაბამისად

მუხლი1.

დაწყებულ იქნას ადმინისტრაციული წარმოება „ქალაქ ფოთის მუნიციპალიტეტის ქალაქმშენებლობითი დოკუმენტაციის - გენერალური გეგმისა და განაშენიანების გეგმის დამტკიცების თაობაზე“ ქალაქ ფოთის მუნიციპალიტეტის საკრებულოს 2019 წლის 2 დეკემბრის №27/28 დადგენილებაში შესატანი ცვლილების განხილვისა და დამტკიცების მიზნით.

მუხლი2.

ქალაქ ფოთის მუნიციპალიტეტის მერს დაევალოს „ქალაქ ფოთის მუნიციპალიტეტის ქალაქმშენებლობითი დოკუმენტაციის - გენერალური გეგმისა და განაშენიანების გეგმის დამტკიცების თაობაზე“ ქალაქ ფოთის მუნიციპალიტეტის საკრებულოს 2019 წლის 2 დეკემბრის №27/28 დადგენილებაში შესატანი ცვლილების საჯარო განხილვა (ზეპირი მოსმენის ჩატარებით ან/და ელექტრონული ფორმით). ასევე საბოლოო პროექტის შემუშავების უზრუნველყოფა და ადმინისტრაციულ წარმოებასთან დაკავშირებული სხვა ღონისძიებების გატარება კომპეტენციის ფარგლებში.


მუხლი3.

განკარგულება ძალაშია 2023 წლის 30 იანვრიდან.

მუხლი4.

განკარგულება შესაძლებელია გასაჩივრდეს, მისი ოფიციალური წესით გაცნობიდან ერთი თვის ვადაში. ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3)

საკრებულოს თავმჯდომარე



ალექსანდრე ტყებუჩავა